

MËSUESIT THONË JO-TË QË PRINDËRIT NUK UA KANË THËNË KURRË FËMIJËVE TË TYRE


Marrë nga : portalebimbi / <https://portalebambini.it/>
Përktheu: Motër Roza Syku / Redaktori: Qendra Maria Mazzarello, Tiranë
Faqësja: Motër Malvina Doçi

“ Interviste:

-Nxënësit dhe prindërit rrahën një mësues, profesor Crepet çfarë ka ndryshuar kaq thellë në shkollën italiane?

-Nëse babai dhe nëna nuk të kanë thënë kurrë jo që kur ke lindur, nuk do ta pranosh jo-në e parë që të thotë një i huaj. Edukimi është një detyrë që askush nuk është më i gatshëm ta bëjë: ai përfshin prindërit, gjyshërit, edukatorët, madje edhe ata jashtë shkollës, duke filluar nga fusha sportive. E gjithë kjo ka një ndikim dramatik: është një brez që nuk i njeh më ëndrrat, sepse pasionet nuk janë mësuar. Duke u thënë po gjithmonë, gjithçka bëhet gri, ngjyrat humbasin.

Paolo Crepet



Tonet dhe Crepet mund të pëlqejnë ose jo, por ne duhet të bëjmë **disa pyetje në lidhje me ëndrrat dhe pasionet: a kanë fëmijët tanë ende pasione të mëdha?**

Pasione për të cilat ata do të sakrifikonin me kënaqësi kohën e tyre, për të cilat ata janë të gatshëm të luftojnë?

Ajo që vëmë re është se bollëku i stimujve, ose më mirë, teprica e stimujve, përfundon duke shtypur pasionin. Dhe këtu hyn në lojë edukimi: deri disa dekada më parë, edukimi nënkuptonte t'u jepte fëmijëve mundësi.

Prindi-edukatori i lejonin fëmijët të udhëtonin, të studionin gjuhë, të studionin muzikë.

Sot, në mënyrë paradoksale, të edukosh do të thotë të (heqësh) në mënyrë të vetëdijshme çdo barrierë të mundshme.

Ato “jo-të” të cilave u referohet Crepet nuk duhen thënë me keqdashje apo si formë kthimi në të shkuarën; përkundrazi, ne kemi nevojë për një brez prindërisht që kuptojnë se “jo-të” ndihmojnë të rriten. Pasioni, si dhe kreativiteti, zhvillohen nëse jetojnë në një mjedis plot stimul, me kusht që të ketë momente “zbrazëtie” në të cilat mund të shtjellojnë dhe t’i personalizojnë ata.

Kjo është arsyeja pse është kaq e rëndësishme që fëmijët të kenë hapësira dhe kohë boshe në të cilat të mërziten. Kjo është arsyeja pse është kaq e rëndësishme që prindërit të mos japin më gjithçka dhe kurdo (me përjashtim të dashurisë së shëndetshme, e cila nuk është kurrë e tepërt).



Jo
Jo
Jo